

玄覽堂叢書續集

第一一七冊

中國經濟發展史

龍江船廠志序



我

聖祖奄有四海定鼎金陵環都督江也

四方往來省車輓之勞而樂船運之

便洪武初年即於龍江闢設廠造船

以備公用統於工部而分司於海水

然官無專主歲唯部堂與安司官一

望員監督提舉司官造焉務定都燕京

南北相距水程數千餘里百凡取辦

於南畿船泊多工役日繁奸弊日滋

正德十三年議 准咨吏部註選本

司主事一員居廠專理然歲無定法

損益因革或同或異未有成志嘉靖

庚戌李子元翰由名進士出宰劇邑

更歷老練擢任斯職慨矧制之為一

患記載之靡悉是上無遺檢下無法  
守也財殫力疲利未見而害有甚焉  
者矣豈

國家建官之初意哉于是稽以盡力博  
考載稽名物及數沿革始末一一書

之越兩寒暑萃成爲志授予讀之予  
觀其目錄有八首之以訓典曰謨訓  
曰典章具載焉尊

王命政令自上行者也然訓典者何故  
次之以舟楫曰制額曰噐數曰圖式



具載焉而非人執尸之故次之以官  
司曰郎中曰主事曰提舉凡役於厥  
者具載焉然人非周知其所蒞亦奚  
以從事故凡厥以內曰山川曰道里  
曰署宇曰坊舍具載焉動資於財故



次之以歛財曰地誤曰木價曰單板  
曰雜料凡廠之所需者具載焉財聚  
弊生故次之以乎草曰律已曰收料  
曰造船曰收船曰佃田曰看料具載  
焉然處之過不及其失均也故次之

以考衷曰稍食曰量材具載焉七者  
備矣而曰創制曰設官曰遺跡有一  
弗詳亦焉得爲全書故次之以文獻  
終焉綱目相屬先後有倫上不得以  
立異下不得以行私財不告匱人不

告勞觸之迎刃而解矣豈非可儆者  
之一大快哉昔周公相周以大聖人  
之才知豈不有餘裕哉而著爲周禮  
無亦曰文武之政布在方冊舉而措  
之易易耳我

朝諸司職掌

大明會典一周禮也此志固一船事耳  
然非元翰之才識宏遠思慮周密亦  
安得補遺典於百年之餘哉即徵以  
占鉅由今以觀後予於李子將來之

樹立得之矣李子名昭祥雲間人予  
丁酉主試應天取士也因序之

嘉靖癸丑日長至

賜進士及第奉政大夫南京尚寶司卿

前翰林院侍講


國史編脩司經局洗馬 經筵講官校

正

歷朝寶訓實錄同脩 會典宋史泰和

歐陽衢撰

龍江船廠志目錄



上海李昭祥

第壹卷

訓典志首曰謨訓載

勅諭以重

王命也次曰典章錄律例以示官常也成規附焉庶一

展閱而知所持循也

第貳卷

舟楫志志船之名數與其形制其目為制額為器



數為圖式明此而職守可慎矣

### 第叁卷

官司志有是事而後有是官先即中次主事次提  
舉而凡役於厥者咸得附見焉

### 第肆卷

建置志凡厥以內山川之形勝道里之廣狹署宇  
之沿革坊舍之廢置皆以次錄之

### 第伍卷

斂計志船務非料不集曰地課曰木價曰單板曰

雜料廠之所需者備是矣

### 第陸卷

孚革志弊不革則利不興上不嚴則下不肅故其  
目有六而首之以律已而曰收料曰造船曰收船  
曰佃田曰看料者次之

### 第柒卷

考裹志作船之務工料先馬豐約盈縮不可過亦  
不可不及也曰稍食曰量材斯二者皆當考其裹  
焉而後可